



Broj: 12/08-23-11775-8/20
Zenica, 07.09.2020.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-11775-7/20, od 04.09.2020. godine, u otvorenom postupku javne nabavke za radove broj: 1417-1-3-27-3-14/20 od 13.07.2020. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Modernizacija dijela regionalne ceste R445 Zenica-Lašva, kroz naselje Janjići” broj: 1417-1-3-27-3-14/20 od 13.07.2020. godine, ponuda ponuđača „JATA Group“ d.o.o. Srebrenik (broj: 01-95/20 od 13.08.2020. godine) sa ukupno ponudnom cijenom od 380.315,00 KM (bez uračunatog PDV-a) izabrana je kao najpovoljnija.

II

Ponuđač „JATA Group“ d.o.o. Srebrenik (ID broj: 4209264220000), adresa Potpeć bb, 75350 Srebrenik, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „Špic-Beton” d.o.o. Zenica se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-11775/20 od 13.07.2020. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-27-3-14/20 objavljeno je na Portalu javnih nabavki 13.07.2020. godine.

Komisija za javne nabavke imenovana rješenjem broj: 12/08-23-11775-4/20 od 12.08.2020. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 7 (sedam) ponuda.

U periodu od 13.08.2020. godine do 28.08.2020. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača ŠPIC-BETON d.o.o. Zenica se odbacuje jer nije potpuna i ne ispunjava zahtjeve iz tenderske dokumentacije.

Tačkom 29.1. Tenderske dokumentacije propisano je da „Ponuđači koji učestvuju u postupku javne nabavke dužni su uz ponudu dostaviti originalnu bezuvjetnu bankovnu garanciju za ozbiljnost ponude – original. Iznos tražene garancije za ozbiljnost ponude je 1,5% od procijenjene vrijednosti nabavke, odnosno 3.846,15 KM (slovima: trihiljadeosamstočetrdesetšest i 15/100 konvertibilnih maraka) ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije.

Garancija za ozbiljnost ponude stupa na snagu na dan otvaranja ponuda, tj. na dan 13.08.2020. godine u 12:00 sati i važi 120 dana.“

Izmjenom tenderske dokumentacije, broj: 12/08-23-11775-3/20, od 15.07.2020. godine, koja je istog dana svim ponuđačima blagovremeno dostavljena putem portala e-Nabavke, izvršena je izmjena tenderske dokumentacije na slijedeći način:

1. U tački 29.1 tenderske dokumentacije mijenja se brojkama i slovima prikazani iznos tražene garancije za ozbiljnost ponude dok procenat ostaje nepromijenjen, tako što se **mijenja rečenica:**

„Iznos tražene garancije za ozbiljnost ponude je 1,5% od procijenjene vrijednosti nabavke, odnosno 3.846,15 KM (slovima: trihiljadeosamstočetrdesetšest i 15/100 konvertibilnih maraka) ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije“, te **treba da glasi:**

„Iznos tražene garancije za ozbiljnost ponude je 1,5% od procijenjene vrijednosti nabavke, **odnosno 7.692,30 KM (slovima: sedamhiljadašeststodevedesetdvije i 30/100 konvertibilnih maraka)** ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije“.

Prema Izvještaju o preuzimanju tenderske dokumentacije, Ponuđač ŠPIC BETON d.o.o. Zenica (JIB: 4218455660009) je tendersku dokumentaciju i ispravku tenderske dokumentacije sa portala e-Nabavke (www.ejn.ba) preuzeo 19.7.2020. godine u 07,01 sati.

Međutim, u ponudi broj: 140-07/20 od 10.08.2020. godine ponuđač ŠPIC BETON d.o.o. Zenica je uz ponudu dostavio garanciju za ozbiljnost ponude broj: 27318 od 04.08.2020. godine izdatu od SPARKASSE d.d. BiH na iznos od 3.846,15 KM, što nije u skladu sa Izmjenom tenderske dokumentacije, broj: 12/08-23-11775-3/20, od 15.07.2020. godine.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda ponuđača ŠPIC BETON d.o.o. Zenica se odbacuje, jer nije potpuna i ne ispunjava zahtjeve iz tenderske dokumentacije.

Ponude ponuđača „DOBOJPUTEVI“ d.d. Doboj Jug, zatim „ALMY-TRANSPORT“ d.o.o. Zenica, „POROBIĆ“ d.o.o. Zavidovići, „TRGOŠPED“ d.o.o. Kakanj i „JATA GROUP“ d.o.o. Srebrenik, te ponuda Grupe ponuđača: „MGV Gradnja“ d.o.o. Zavidovići i „Teling“ d.o.o. Travnik, ispunjavaju postavljene uslove, te je za 04.09.2020. godine zakazano provođenje e-aukcije, sa početkom u 10:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponudač	Ukupna cijena ponude bez PDV-a
1.	„JATA GROUP“ d.o.o. Srebrenik	380.315,00 KM
2.	„ALMY-TRANSPORT“ d.o.o. Zenica	380.815,00 KM
3.	„DOBOJPUTEVI“ d.d. Doboj Jug	499.850,90 KM
4.	Grupa ponuđača: „MGV Gradnja“ d.o.o. Zavidovići i „Teling“ d.o.o. Travnik	512.661,49 KM
5.	„POROBIĆ“ d.o.o. Zavidovići	540.925,17 KM
6.	„TRGOŠPED“ d.o.o. Kakanj	566.027,31 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „JATA Group“ d.o.o. Srebrenik. Ugovorni organ prihvatio je preporuku Komisije za javne nabavke da se najpovoljnijem ponuđaču, „JATA Group“ d.o.o. Srebrenik, dodijeli Okvirni sporazum za „Modernizaciju dijela regionalne ceste R445 Zenica-Lašva, kroz naselje Janjići“. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije

Dostavljeno:

7 x svim ponuđačima,
1 x a/a

Obradio:
Elmedin Bašić



